



-Komunalno, sanitarno i vodoprivredni inspektor-

Broj: 06-33-6-SI-1 /22

Maglaj, 26.01.2022. godine

- OPĆINSKO VIJEĆE MAGLAJ

- OPĆINSKI NAČELNIK

IZVJEŠTAJ
o radu
KOMUNALNO, SANITARNO i VODOPRIVREDNOG INSPEKTORA
za 2021. godinu

Uvodni dio

Obzirom na programske ciljeve komunalno, sanitarno i vodoprivredne inspekcije u programu rada za 2021. godinu može se konstatovati da, s obzirom na okolnosti – produžetak pandemije COVID-19, nije bilo moguće provesti ih po inspekcijama kako je to planirano.

SANITARNA INSPEKCIJA

Pandemija izazvana corona virusom nije jenjavala ni u prethodnoj, 2021. godini, a s obzirom na obaveze po službenoj dužnosti, u cilju provođenja posebnih mjera za sprječavanje i suzbijanje zaraznih bolesti, prvenstveno su obavljani poslovi iz oblasti sanitarne inspekcije, na način da je konstantno praćena situacija i vršen nadzor nad provedbom mjera za zaštitu stanovništva.

U kontekstu naprijed navedenog izvještajnog perioda, pregled učinjenog definisan je kako slijedi:

- Doneseno je ukupno 2162 rješenja sa naloženom mjerom zabrane kretanja van prijavljenog prostora boravka (izolacija), od toga, 882 rješenja za lica pozitivna na COVID-19, a 1280 za lica koja su bila u neposrednom kontaktu sa zaraženim licima.

Uz savako doneseno rješenje (otvaranje predmeta), podrazumjeva se vođenje cijelog postupka - praćenje izvršenja rješenja, (eventualno pogoršanje zdravstvenog stanja, odlazak na bolničko liječenje, smrt pacijenta, napuštanje mjesta boravka u periodu zabrane kretanja...), a samim tim i postupanje u skladu sa zakonskim odredbama u datim situacijama, do zatvaranja predmeta.

- U kontekstu pandemije COVID-19, (osim naprijed navedenih postupanja), donesena su 4 rješenja o otklanjanju nedostataka, izdato 6 obavijesti, izrečeno 6 upozorenja na postupanje, 16 informacija, 3 naredbe o postupanju, upućena 4 dopisa, 4 zaključka o obustavi postupka, 1 dopunsko rješenje, 6 rješenja o poništenju rješenja, 26 službenih zabilješki (bilo iz objektivnih razloga, ili što nije istekao rok za otklanjanje nedostataka), 33 zaključka o ispravci rješenja, izdata 3 prekršajna naloga u iznosu od 4100,00 KM, izvršena u iznosu od 2050,00 KM.

Prema situaciji, u granicama mogućnosti, vršeni su kontrolni pregledi postupanja po preporukama izdatim od strane Instituta za javno zdravstvo F BiH u kontekstu COVID-19, a u skladu sa naredbama Kriznog štaba Federalnog ministarstva zdravstva i kriznog štaba Ministarstva zdravstva ZDK usvojene Zaključkom Vlade Zeničko-dobojskog kantona, kod privrednih subjekata, u

poslovnim prostorima fizičkih lica-obrtnika, u javnim ustanovama, školama, dječijim vrtićima... kao i fizičkih lica. Kontrole su bile uglavnom preventivne, sa usmenim upozorenjima gdje je to bilo potrebno, kao i davanju uputa o obavezama provođenja istih.

Shodno Zakonu o zaštiti stanovništva od zaraznih bolesti ("Sl. novine F BiH", broj: 29/05), u proteklom izvještajnom periodu, izvršene su obavezne preventivne sistematske deratizacije (proljetna i jesenja), od strane JU Institut za zdravlje i sigurnost hrane Zenica, a sanitarni inspektor je vršio pripremu i kontrolu izvođenja, za 13 javnih česmi izvršena je kontrola zdravstvene ispravnosti vode, sačinjena je 21 informacija za PS Maglaj po dostavljenim službenim zabilješkama na znanje i postupanje...

U 2021. godini izvršeno je pet ekshumacija.

U izvještajnom periodu stanovništvo općine Maglaj sanitarni inspektor je oglašavanjem putem RTV Maglaj, www maglaj.ba, oglasna ploča općine Maglaj, putem obavijesti i upozorenja, upozoravao, obaviještavao i upućivao, kako i na koji način provoditi higijensko sanitarne protivepidemijske mjere, kako zaštititi radnu okolinu, osigurati i unaprediti higijenske uslove na radnim mjestima i u domovima, na koji način provoditi sanitarne mjere, po pitanju ispravnosti pitke vode, kao i prostora, u vrijeme obilnih padavina početkom novembra mjeseca..., a sve u cilju sprječavanja nastanka zaraznih bolesti.

KOMUNALNA INSPEKCIJA

S obzirom na naprijed navedeno, tj. obim poslova sa prioriteto postupanja iz oblasti sanitarne inspekcije u odnosu na komunalnu, to u izvještajnom periodu nisu u potpunosti ostvareni programski ciljevi koji su i planirani. Prioritetno su obavljani pregledi po predstavkama i zahtjevima.

U izvještajnom periodu izvršeni su pregledi i izrečene upravna mjere, (prekršajnih mjera nije bilo) kako slijedi:

- obavljeno je ukupno 73 pregleda, a od toga: 24 redovna pregleda, 29 pregleda po predstavkama i 20 kontrolnih pregleda, kojom prilikom je evidentiran 41 uredan pregled, a u 32 slučaja se nije mogao izvršiti inspeksijski nadzor, bilo iz objektivnih razloga ili iz razloga što nije bio istekao rok za otklanjanje nedostataka, te su iz tog razloga sačinjene službene zabilješke.
- Izdato je 14 rješenja o otklanjanju nedostataka, doneseni, sačinjeni drugi akti u toku godine u broju 69.

Redovno se obavljao rad sa strankama, pri čemu je pružana savjetodavna ili pravna pomoć po koju su stranke došle, a koja je iz oblasti nadležnosti komunalne inspekcije.

Postupanje po svim zaprimljenim zahtjevima stranaka je ispoštovano, ali učinak iz oblasti komunalne inspekcije vjerovatno bi bio veći, da je ispoštovan član 107. stav 2. i član 109. Odluke o komunalnom redu i sanitarnom minimumu („Službene novine Općine Maglaj“, broj: 3/18).

I u 2021. godini najviše problema iz oblasti komunalne inspekcije bilo je u kontekstu pijace – nepostojećeg legalnog prostora za prodaju neprehrambenih proizvoda (odjeće, obuće i ostalog), potom problemi iz oblasti korištenja i održavanja zajedničkih dijelova i uređaja zgrada, problemi vezani za nedozvoljeno korištenje javnih površina (parkiranje automobila na zelenim javnim površinama, često nasipanje i šljunka, radi „obilježavanja privatnih površina“ za parkiranje automobila, sađenje voća ispred zgrada, i dalje problem nedefinisanih lokacija za odlaganje ogrjeva

za zimu, kao i prisvajanje površina u vlasništvu općine i iz mnogih drugih razloga i „potreba“ fizičkih lica), zatim problemi vezani za „izgrađene“, ili uopšte neizgrađene septičke jame, gotovo u svim mjesnim zajednicama obzirom da nije riješeno pitanje kanalizacije, neriješen problem odvodnje i čišćenja kanala slivnih i oborinskih voda u gradu, rješavanje problema pasa lualica u mjesnim zajednicama i drugih problema.

S obzirom da je ovaj organ u svojim izveštajima o radu za protekle godine navodio općinske odluke i pravilnike, iz komunalne oblasti, koje je potrebno donijeti, (to nema potrebe za ponavljanjem), iz razloga: urađene i donesene na osnovu zakona koji su prestali da važe jer su usvojeni novi, kao i odluke i pravilnici koji nisu doneseni a postoji zakonska obaveza za postojanjem istih.

VODOPRIVREDNA INSPEKCIJA

Obzirom na programske ciljeve vodoprivredne inspekcije u programu rada za 2021. godinu može se konstatovati da isti nisu ostvareni u potpunosti, kako su planirani. Osnovni razlog su obaveze prioritetog postupanja iz oblasti sanitarne inspekcije u kontekstu COVID-19.

Izdata su 2 rješenja o otklanjanju nedostataka, 3 predmeta su dostavljena vodnoj FUZIP po kojima su i postupili, doneseni, sačinjeni drugi akti u toku godine u broju 16.

Redovno se obavljao rad sa strankama, pri čemu je pružana savjetodavna ili pravna pomoć po koju su stranke došle, a koja je iz oblasti nadležnosti vodne inspekcije.

Obavljani su kontrolni pregledi, ali najveći broj inspeksijskih kontrola u izvještajnom periodu izvršen je po predstavkama, bilo fizičkih ili pravnih lica. U najvećem broju bile su kontrole vodnih akata subjekata koji iskorištavaju vodu i ispuštaju otpadne vode, zatim kontrola vodnih dozvola za lokalne i privatne vodovode (na području općine Maglaj samo 7 lokalnih vodovoda posjeduje vodne dozvole, a za jedan lokalni vodovod u toku je postupak izdavanja vodne dozvole). Potom izgradnja potpornih – zaštitnih zidova od strane fizičkih lica, bez podnesenih zahtjeva, odnosno neposjedovanja odobrenja za građenje od strane općine, kao vlasnika javnog vodnog dobra za vodotoke II kategorije, koji se nalaze na području općine. Nakon obavljenih kontrola, gdje god je to bilo moguće, djelovalo se preventivno, tj. uz usmena upozorenja i davanje uputa o rješavanju pojedinačnog problema.

Prijedlog mjera i programska orijentacija

Dosta navedenih problema, odnosno činjenica, sa dokumentovanim pokazateljima, iz oblasti sve tri inspekcije, već je navedeno u izvještajnom periodu (da ne bi bilo ponavljanja većina ih je navedena i u izvještaju za 2020. godinu) koji se ujedno podrazumjevaju i kao prijedlog mjera i aktivnosti na rješavanju problema.

Neki od problema su u direktnoj nadležnosti inspekcije, ali zbog ograničavajućih okolnosti, tj. bez prvobitnog djelovanja po istim nadležne institucije, izvršne i zakonodavne vlasti, bez čijeg rješavanja po istom, inspektor neće imati ambijent i okruženje za efektivan i efikasan rad, ne mogu se postići željeni efekti u suzbijanju negativnih pojava i problema iz nadležnosti ovih inspekcija.

Dostavljeno:

1. Naslovu 2x,

2. a/a.



Komunalno, sanitarno i vodoprivredni inspektor

Merima Mahmutović